

Gvangjsih Minzczu Bau

Cawiguenj: Gvangsijh Bouxcuengh Swcigh Minzczu Cunghvau Swvu Veijvenzvei

Cawjbanh: Gvangsijh Minzczu Bause

Geiz neix 8 bani

广西民族报

Aenhauh okbanj: CN45-0036

B.2024

Nd.1 Ng.10

Liggaeuq gvejmaux nienz ndwen' it ngeihgouj

Geizsoq: Gungh daih 3605 geiz

Liuz Ningz Bae Denhngoz Yen Gangj Gij Cingsaenz Gangjvah Youqgaenj Siz Ginbingz Cungjsuhgi Cazyawj Gvangjsih

刘宁深入天峨县宣讲习近平总书记视察广西重要讲话精神

1 nyied 6 hauh, Swcigh Dangj-veij suhgi Liuz Ningz naengh ci 7 aen lai cungdaeu, bae daengz Hozciz Si Denhngoz Yen, gangj gij cingsaenz gangjvah youqgaenj Siz Ginbingz cungjsuhgi cazyawj Gvangjsih, hop-heux diuyenz gyamaenh gya' gvangq gij cwngzgoj vut gungz gunggeng, gihcwngz ceihleix, couqmaenh gij eiqsik caezcaemh Cunghvaz Minzczu caeuq hwnqguh hanghmoeg hungnaek daengj, daegbied gangj daengz aeu haeujlaeg gvancez doeksaed gij iugouz fanghloz hungnaek Siz Ginbingz cungjsuhgi naeuz Gvangjsih haenx, gaenjdaet hopheux hwnqfat ndei saed aen yinvu daih' it neix caeuq cauhaeb aen gwzgz hwnqfat moq aen yinvu canloz neix, aeu couqmaenh gij eiqsik caezcaemh Cunghvaz Minzczu guh sienqmeh, doeksaed gij baijbouh Aen Hoih Baez Caet Gaiq Cibngeih Swcigh Dangjveij caeuq Aen Hoih Hong Ginhci Daengx Gih, gejuengq swhsiengj, cauhaeb gouz bienq, coh haij maeuz ak, haicuengq hwnqfat, haengqrenz raiz bien faenzcieng Gvangjsih yiengh yendaiva Cungguk. Cangzanh Gyahyenz Segih dwg

Denhngoz Yen aen dieg anceiq buen dieg bangfuz dandog, 7500 lai boux vunz daj 13 aen minzczu 9 aen yanghcin aen yienh neix daeuj haenx, byaij hwnj diuz roen vut gungz baenzmiz daj "byahung rungh laeg" daengz "Cangzanh Gyahyenz". Liuz Ningz byaij haeuj segih dangjgiz fuzvu cunghsinh, ciengzsaeg roxyiuj anceiq buensenj, gihcwngz ceihleix, minzczu doxgiet caeuq saenqhwnq lajmbanj mizgven cingzgvang. "2023 nienz 12 nyied 14 hauh daengz 15 hauh, Siz Ginbingz cungjsuhgi daeuj daengz Gvangjsih cazyawj caemhcai gangj gij vah youqgaenj, cungfaen haengjdingh hong Gvangjsih, yienq-mienx raeuz gejuengq swhsiengj, cauhaeb gouz bienq, coh haij maeuz ak, haicuengq hwnqfat, caenh' itbouh gangj cingcuj le mbaqrap hungnaek caeuq fuengyengq roengzrenz hwnqguh yendaiva Gvangjsih." Liuz Ningz naeuz, Siz Ginbingz cungjsuhgi youq mwh cazyawj Nanzningz Si Banzlungz Segih, caeuq boux guhhong segih nem vunz lai gangjgoj, yienq-mienx caezgya doxcaez roengzrenz, itdingh miz daengzcog engq ronghsag! Neix mboujdan dwg gikcoi raeuz lai,

hix dwg naeuz rengzrwd.

Liuz Ningz naeuz, "yawjraen segih boiqdaug sezsih caezcienz, gak minzczu vunz lai huzndei caezyouq, caezgya ndaej youq bakdou ranz guhhong couhnieb, gwndaenj ngoenz ndei gvaq ngoenz, dou angq raixcaix. Neix dwg gak baih caezcaemh doxgiet haenqguh ndaej daengz aen Dangjgizhangh aeu Siz Ginbingz dungzci guh vaedsim giengienz lingidau guh ndei baenz, ndaej leih cwngcwz ndei dangj, ndaej leih aen seizdaih moq hungmbwk." Vunz lai dangdieg naeuz nyauznya, "caen gyo' mbaiq Siz Ginbingz cungjsuhgi, gyo' mbaiq Dangjgizhangh." Liuz Ningz maqmuengh gyoengq beix-nuengx vunz lai geiqmaenh vahdaengq Siz Ginbingz cungjsuhgi, gyo' mbaiq dangj, dingq dangj gangj, riengz dangj byaij, doxgiet caezsim, gaenxguh baenzmiz, gvaqngoenz yied daeuj yied ndei, hwnqguh segih yied daeuj yied gyaunde, youq ndaw bi moq miz fuk, habhoz, vuenyungz, huzndei.

Aen Giuz Daegbied Hung Lungzdan Denhngoz dwg aen gunghcwngz Nanzdan daengz Denhngoz Yalau gauhsuz goengloh,

raez 2488.55 mij, dajveh bineix 1 nyied daej guh sat doeng ci, yaek guhbaenz aen giuz gungj ceiq hung seiqgyaiq. "Mwh Siz Ginbingz cungjsuhgi cazyawj Gvangjsih daegbied gangj daengz aeu laebdaeb gya-gvangq doiq ndaw doiq rog haicuengq, iugouz raeuz caezhwnq diuzroen moq luzhaij baihsae, guh buek hanghmoeg giekdaj sezsih gyaudoeng hungnaek ndeu." Youq yienhciegz guh aen giuz, Liuz Ningz caeuq Cungguk Gunghcwngzyen yensw, giuzhung conghyahcuj cujjangj, Gvangjsih Dayoz gyausou Cwng Gaihlenz gangjgoj, ciengzsaeg roxyiuj aen giuz hwnqguh dajveh cingzgvang, caensim gyo' mbaiq Cwng Gaihlenz yensw caeuq aendoih dinfwnq guh giuz caeuq gyoengq boux hwnqguh aen giuz haengqrenz gaenxguh, yienqmienx caezgya laebdaeb fatyienz gij cing-saenz lauzmoz, gij cingsaenz guhhong, gij cingsaenz lauxcangh, dingjmaenh caetliengh daih' it, ancienz youq gonq, baujmaenh aen giuz aenqseiz guh sat doeng ci, cauhaeb gyoengq vunz lai henz roen.

(Cinz Yizcwz daj 《Gvangjsih Yizbau》 aeu daeuj genj hoiz)

Cienz Cwngcwz Leih Minz Hwnqfat Cam Bouxminz

传达惠民政策 发展问计于民

"Seiqhenz aen liengzdingz Mbanjyivanz aeu dajndongj, fuengbienh vunzmbanj youq haenx diuq foux." "Aen gyaq dwk lanziuz hagdangz gaenq vaih lo, aeu coih." Mboengq-neix, youq ndaw laeuzgyong Yungzsuij Myauzcuz Swciyen Swyungz Yangh Yungzdi Cunh Mbanjhong, yangh ganbu caeuq vunzmbanj doxyaeng guhsaeh. Vunzmbanj naeuz doenghgi hanghmoeg bimoq guh aeu de.

Bimoq ngamq haindu, Swyungz Yangh haiguh hozdung "banhaemh youq henz feiz gangjgoj" "youq ndaw dingz yaengsaeh", cujcz dangjyenz ganbu haeuj mbanj haeuj ranz senhconz cwngcwz leih minz, cam siengfap bouxminz, cam' aeu hwnqfat yigen caeuq genyi, vih bimoq hwnqfat comz siengfap ndei, hawj vunz lai roxyiuj cwngcwz, coihawj aenbiengz huzndei hwnqfat.

Ciuq cam rox, "banhaemh youq henz feiz gangjgoj" dwg Yungzsuij yungh gij fungsug haeuj ranz cunz ranz, humx youq henz feiz gangjgoj bonjdieg minzczu daegbied gagmiz haenx, cujcz ganbu caeuq vunz lai gangjgoj, cam' aeu gij yigen caeuq genyi bouxminz, doxyaeng banhfap ndei guenj mbanj; "youq ndaw dingz yaengsaeh" dwg Yungzsuij yungh gij daegdiemj comz miz laeuzgyong, liengzdingz bonjdieg minzczu hwnq miz haenx, cujcz ganbu caeuq vunz lai haeuj doxgyawj, naengh doiqnaj gangjgoj, cam' aeu gij yigen caeuq genyi bouxminz, doxcaez yaenglwnh banhfap ndei guenj mbanj. Daengz 1 nyied 5 hauh, daengx yangh gungh guh 8 ciengz hozdung, sou ndaej vunz lai genyi 74 diuz, neiyungz baugvat gwn ciet cienzdoengj, hwnqguh roenloh, baujhoh swnghdai daengj.

(Liu Swjyenh/廖子渊)



▲ Vunz lai youq ndaw dingz yaengsaeh.